

**Date – 27/08/2025**

**Time - 18:30 -18:40Hrs**

**AKASHVANI AIZAWL**

**REGIONAL NEWS BULLETIN**

**HEADLINES ( EVENING )**

1. Mizoram Assembly in Mizorama Forest (Conservation) Amendment Act hmanna tur bill a pass.
2. Mizoram Legislative Assembly thukhawm chuan kutdawh khapna dan siam tur, Mizoram Prohibitor of Beggary Bill a pass.
3. Union Home Minister Amit Shah-a chuan Operation Sindoor leh Operation Mahadev te chuan India mite nunna la a, firfiaka che thinte lakah vauna thuchah na tak a pe a ti.
4. Jammu & Kashmir-a ruahsur nasa avanga nimin lama chhiatna thlenna hmunah chhanchhuah hna ngwrh takin kalpui mek a ni.

<><><>

**OFFICIAL RESOLUTION**

Mizoram Assembly Fur thutkhawm tanni vawiin khan Mizorama Forest (Conservation) Amendment Act hman turin pawm a ni.

Environment, Forests & Climate Change Department Minister Pu Lalthansanga Official Resolution putluh Forest (Conservation) Amendment Act, 2023 (No.15 of 2023) stands applied to the whole of Mizoram" tih chu pawm a ni.

Pu Lalthansanga chuan he resolution hi sorkar hmasaah khan dodal a lo ni tawh a ti a, Forest (Conservation) Amendment Act, 2023 chuan Forest (Conservation) Act, 1980 chu siamthat a tum a, a thil tum ber chu India ramngaw leh biodiversity humhalh ruala hmasawna thuantling neih a ni a ti.

Inkaihhruaina tharah chuan exploration leh survey thenkhat bakah thing 100 thleng kih theihna chu central sorkara thlen ngai lovin state sorkar in phalna a pe thei tawh dawn tih Minister chuan sawiin Forest kaihhnawih project hrang hrangah te state sorkarin awlsam zawkin thutlukna a siam thei tawh dawn bakah venhimna lam siam pawh a ti awlsam dawn a, ramngaw enkawl na tha zawk neih theihna a ni a ti.

**Byte: Minister Pu Lalthansanga**

He dan hnuaiah hian ramngaw leh thing awmna chu a ram zau zawng hmun 3 a thena hmun 1 thlenga tihpun tum a nih thu te, chu chu an than chhoh zelna tur kawng nen pawimawhna pek a nih tur thu te, ramngaw enkawl lama hamthatna leh

enkawltute eizawna tihchangtlun te pawh a tel a, hei bakah hian Forest ram rel kawng emaw vantlang kawng sorkarin a enkawl, mihring chenna kalpawhna atana pawimawhte chu hectare point 1 thleng thiah theih a ni a, ram hmasawna atana pawimawh, kalkawng, rel kawng leh transmission line bakah ram himna chungchanga pawimawh, international border, line of control leh line of actual control atanga kilometre 100-a awm te invenhim nan leh ruhrel pawimawh din nan ram hectare 10 thleng hman tura forest land ruahman a nih thu te a sawi.

<><><>

## **HOUSE LEADER**

Chief Minister Pu Lalduhoman Mizoram chu sakhaw pakhat mifirfiakten camp an neihna tura hmun remchangah ngaih a nih tawh avangin sawrkar laipuaia hotute phalna in Mizorama dan kalha hnamdang lo lutte hnawhchhuah runpui an nei dawn a ti.

Vawiin sessionah he thu hi sawiin House Leader Pu Lalduhoma chuan Mizoramah permit nei lova hnamdang awm leh ILP tawp tawh hnu pawha la awm an tam lutuk tih sawiin, local council hrang hrangah a tahtawlin hma an la zel dawn a ti.

(BYTE)

Pu Lalduhoma chuan Mizoram-a rel lo lut tur leh KMTTP kawngpui peih tep tawhte chuan nghawng a nei ngei dawn a ti a, tuna Bairabi rel lut ang ngawt a nih loh avang leh mikhual tam tak an lo luh dawn avangin lo inbuatsaih lawk a tul thu a sawi a, kutdawh lo thei lote chu mahni veng theuhah a zawn chhuah theih a ti a, chutiang chu pipute hunlai atanga Mizoten an tih thin a nih avangin mahni veng theuhah theihtawp chhuahin kutdawh awm lo turin social organisation te nen tangrualin sorkar chakna nen khawlaia kutdawh thu an awm lohna turin hmalak a tul a ti a, dan bawhchhetu misual anga chhuah an tum lo a ti a ni.

Pu Lalduhoma chuan vawiina house a putluh Mizoram Prohibiton of Beggary Bill ah chuan mi harsa zawkte tanpuina tur khawn (charity) khapna a lo awm a nih chuan an dan duan chu ennawn a siamthat tul a tih thu a sawi a, he dan hi social Activist te pawn siam tura an ngen ngawih ngawih thu sawiin, he dan hian ADC area pawh huam ngei se tha a tih thu a sawi a ni.

<><><>

## **MIZORAM PROHIBITION OF BEGGARY BILL**

Mizoram Legislative Assembly thukhawm chuan kutdawh khapna dan siam tur, Mizoram Prohibiton of Beggary Bill a pass.

Bill pu lut tu Social Welfare Minister Pi Lalrinpuii chuan Mizoram Prohibiton of Beggary Bill chu Karnataka Beggary Act 1975 entawnin, Mizoram milin an herrem tih a sawi a, Social Welfare Department in survey an neihah kutdawh thin mi 30 chuang an avangin Mizoram Prohibiton of Beggary Bill chu danah a chan ngei theih nan a pulut tih a sawi.

Minister chuan an bill putluhah chuan local relief board-ah a tul angin NGO leh Kohhran te member an nih theih thu te, kutdawh te chu receiving centre-ah dah phawt an ni anga, darkar 24 chhungin an chhungte hnenah emaw an lo kalna state ah

dahkir dan tur ngaihtuah an ni dawn a, haw na tur nei lote chu relief centre-ah dah an ni dawn a, hetah hian anmahni enkawl dan tur ngaihtuah a ni dawn a ti.

Aizawl kawtchhuah Sairangah rel a lo luh theih tawh avangin kutdawh tam tak lo luh theihna a awm ati a, hei bakah hian Mizo khawtlang leh kohhranten mi chhumchhia te an chhawmdawl thin avangin Mizoram chu an tanrual chuan kutdawh awm lohna state ah siam theih a nih thu a sawi.

<><><>

## **OPPSN REACTION TO BEGGARY BILL**

Eptu MLA ten kutdawh khapna dan siam tur, Mizoram Prohibiton of Beggary Bill chu thil tul-ah an ngaih loh thu an sawi.

Vawiin sessiona Mizoram Prohibiton of Beggary Bill sawihonaah Oppostion Leader Pu Lalchhandama Ralte chuan Mizoram thlirin he bill hi House-a pharh a hun a la tih loh thu a sawi a, kutdawh awm lo se tih an duh rualin, kutdawh awm lo turin mipuite changkang thei se an duh thu a sawi a, he bill hian Zo-inspiration leh media hrang hrang kaltlanga mi harsa zawkte tana tanpuina khawn te, krismas leh kumthar inkara vantlang hmuna pawl leh mimal ten zai hmanga tanpuina an khawn thin te pawh khap tel a ni dawn a ti a, tanpui ngai leh dawmkan ngaite dawmkai thinna Mizo nun ze mawi leh Kristian nun mawi khapna tur nia a hriat thu a sawi a ni.

Kutdawh khapna dan hi Central sorkar leh state sorkar ten an siam theih laiin, vawiin thlengin central sorkarin a la siam lova, Ministry of Social Justice and Empowerment chuan kutdawhte enkawl leh hmalam hun siam turin hma a lak mek laiin Mizoram sorkarin dan a duanah chuan kawngsira mitdel zai thinte tiamin kutdawhte chu Police ten manin, bond-ah cheng sang 5 a chawitir dawn a, man nawn an nih chuan cheng sing 1 thleng chawitir theih a nih thu sawiin, kutdawhten eitur pawh an neih loh laiin khawia pawisa nge an chawi ang tih leh kutdawh mante pawisa chawi tlingkhawm sorkarin a it em ni tih zawhna a zawt bawk a. Kum 20 liamta atanga Bairabi-a rel a lo luh chhungin kutdawh an lo lut hum hum loh avangin Sairanga rel lo lut tur hlauhthawmah a ngaih loh thu a sawi bawk a, ILP tel lova lo lutte chu thawn thla zawk mai turin a rawt bawk a ni.

(BYTE)

BJP MLA DR. K Beichhua chuan Kristian state a nih angin Mizoramah kutdawh khap lova kutdawh tih rem dan tur kawng a awm zawk a rin thu a sawi a, social issues kaihnawihah chuan India Danpui hnuaiah Autonomous District Council te chuan mahnia dan an in siam thei tih sawiin, he bill in Mizoram pum a huam tur thu chu ennawn leh se tha a tih thu a sawi a ni. He bill hian pianphunga rualbanlote a huam dawn avangin chung mite chu dan bawhchetute ah chhiar an ni dawn nia a hriat thu sawiin, mi chhumchhiate rahbehna ang tih thu sawiin, thlawp harsa a tih thu a sawi bawk a ni.

(BYTE)

Congress MLA Pu Ngunlianchunga chuan rel lo lut tur avanga kutdawh an lo lut teuh tur anga ngaih chu thil dik nia a hriat loh thu a sawi a, ILP tel lo chuan tumah Mizoramah an lut thei lova, sorkar chuan chuti lam chu khauh zawkin kalpui se a tih thu a sawi a, kohhran upa a nih ang pawhin kutdawh khapna bill chu a

thlawp thei lo tih a sawi a, kutdawhte chu pianphunga rualbanlote an ni a, an duh avanga kutdawn an ni bik lo tih sawiin, Pathian Lalram din tum sorkar tan chuan an bill putluh chu inrem loh a tih thu a sawi a, state dangte chuan lo ti mah se, kristian state kan nih angin tanpui ngaite tanpui tur zawk nia a hriat thu a sawi bawk a ni.

<><><>

#### **AIR NEWS ON SOCIAL MEDIA**

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Naktuk zing dar 7 leh a chanve-ah Chanchinthar puan leh a ni ang.

<><><>

#### **MIZORAM LAND REVENUE AMENDMENT BILL**

Mizoram Legislative Assembly thutkhawm vawiina neihah Land Revenue & Settlement Department dan dinglai siamthat rawtna, Mizoram (Land Revenue) (Amendment) Bill, 2025 pass a ni.

Land Revenue & Settlement changtu Minister Pu B. Lalchhanzova chuan he bill hi pulutin, British-in India a awp hunlai khan Mizoramah Revenue Administration an kalpui loh avangin kum 1987-a Mizoram chu state puitling a nih thlengin revenue administration mumal nei lovin a awm a ti a, kum 2013 khan The Mizoram (Land Revenue) Act, 2013 siam a ni a, he dan hi a hmantlak loh hle a a, central scheme tha tak dawng thei turin dan neih mek chu siamthat a, tihchangtlun a tul thu a sawi a ni.

<><><>

#### **UNION HOME MINISTER**

Union Home Minister Amit Shah-a chuan Operation Sindoor leh Operation Mahadev te chuan India mite nunna la a, firfiaka che thinte lakah vauna thuchah na tak a pe a ti. Vawiina Operation Mahadev neih zawh taka firfiakte laka hlawhtling taka beihpui thlaktu Indian Army, J&K Poice leh CRPF te chawimawina hunah he thu hi a sawi a. Pu Saha chuan Operation Sindoor chuan mipuite thinsungah lungawina a thlen a ti a. He lungawina hi Operation Mahadev chuan rawn thlakin inrintawkna a rawn tuh leh a ni a ti. NIA Forensic Science Laboratory chuan Operation Mahadev-a firfiak kahhlumte kha Pahalgam firfiaka chetnaah an tel ngei tih a finfiah a ni a ti bawk.

<><><>

#### **J&K**

Jammu & Kashmir-a ruahsur nasa avanga nimin lama chhiatna thlenna hmunah chhanchhuah hna ngwrh takin kalpui mek a ni. Thudawn danin Sakhaw biak zinte kalna Mata Vaishno Devi shrine kawnga leimin avangin mi 6 an thi a, mi 18 in hliam an tuar a. Helai

hmunah hian CRPF te tirhluh niin chhawmdawl hna an thawk nghal a. Union Minister Dr.Jitendra Singh-a chuan hmun thenkhatah lui tuilian a kam tan a ti a. Hetihlai hian Chenab lui erawh a chim chin a sang chho mek thung a. Minister chuan SDRF, NDRF, Paramilitary, Army leh Air Force ten chhiatna thlenna hmunte an vil reng niin a sawi.

Prime Minister Narendra Modia pawhin leimin avanga thi an awm chu pawh atih thu a sawi a. Hliam tuarte pawh dam thuai tur a duh thu a sawi a ni.

Puan tawh angina ruahsur nasa avanga chhiatna thleng hain kawlpheha leh internet pekkualnaah harsatna a thlen mek a. Vawiin khan emergency service tihloh sawrkar hnathawhna hmun zawng zawng khar a ni. Hetihlai hian Indian Meteorological Dept. chuan ramchhung hmarthlang, central leh khawchhak lamahte ni 4-5 chhung chu ruah a la sur nasa dawn tih a sawilawk a ni.

<><><>